

TARIKH	20/3/2015	MUKASURAT	18
HARI	Jumaat	RUANGAN	NEGARA

Orang ramai masih berpeluang sertai

SORR 2015 di Kuala Woh, Tapah

pendaftaran hari ini Tarikh tutup

KUALA LUMPUR - Hari ini merupakan hari terakhir pendaftaran program Save Our Rainforest Race (SORR) 2015 anjuran Pertubuhan Pelindung Khazanah Alam (Peka) yang akan diadakan di Hutan Simpan Kuala Woh, Tapah, Perak pada 28 Mac ini.

Justeru, orang ramai yang berhasrat untuk menyertai program SORR diminta membuat pendaftaran selewat-lewatnya hari ini.

Mengikut jadual asal



yang dikeluarkan Peka, tarikh akhir pendaftaran program itu sepatutnya berakhir pada Isnin lalu.

Bagaimanapun, Peka telah melanjutkan tarikh pendaftaran bagi memberi peluang kepada orang ramai terutamanya pencinta alam sekitar yang masih berminat untuk mengikuti program tersebut.

Bendahari Peka, Noor Hafidzah Abu Zainal (**gambar kecil**) berkata, pihaknya tetap mengalu-alukan peserta untuk mendaftarkan diri bagi menyertai SORR 2015 pada hari terakhir pendaftaran hari ini.

"Melihat kepada sambutan yang diterima selain permintaan daripada pelbagai pihak, Peka telah melanjutkan tarikh akhir pendaftaran. Bagi yang berminat menyertai SORR 2015, ada beberapa cara pendaftaran boleh dilakukan.

"Pertamanya, pendaftaran boleh dibuat menerusi laman Facebook Peka iaitu www.facebook.com/peka-malaysia.

"Bagi yang ingin mendaftar secara online pula, mereka juga boleh berbuat demikian sehingga pukul 12 tengah malam esok (malam ini)," katanya ketika dihubungi *Kosmo!* di sini semalam.

Seramai 11 orang selebriti terkenal seperti Amy Search, Keith Foo, Amanda Imhadi, Hatta Dolmat, dan Imelda Harris turut sama dalam menjayakan

program SORR 2015 pada kali ini.

SORR 2015 mendapat kerjasama penajaan daripada pelbagai syarikat korporat seperti Tenaga Nasional Berhad, F&N Beverage Marketing, Hotel Concorde, Saloma Bistro and Theatre, Tanah Aina, Elemental Creative Group, Perbadanan Nasional Berhad, Gloria Jean's Coffees, Waz Lian Group of Company, Projek Lintasan Kota Holdings dan WOW Mobile.

SORR 2015 merupakan program edisi ketiga anjuran Peka selepas kali pertama diadakan di Hutan Simpan Bukit Tinggi, Bentong, Pahang pada 2013 dan kali kedua di Hutan Simpan Sungai Besi, Kuala Lumpur tahun lalu.

Penganjur bersama SORR 2015 ialah Jabatan Perhutanan Negeri Perak yang bertindak selaku tuan rumah.

TARIKH	20/3/2015	MUKASURAT	18
HARI	Jumaat	RUANGAN	NEGARA



PARA peserta SORR 2015 berpeluang untuk menjalani aktiviti bersama barisan artis dan selebriti di Hutan Lipur Kuala Woh, Tapah, Perak pada 28 Mac ini.



HUTAN Lipur Kuala Woh, Tapah, Perak dipilih sebagai lokasi penganjuran program SORR 2015.

INFO Rakan SORR 2015

- **Keith Foo** (Pelakon)
- **Nabila Huda** (Pelakon)
- **Amy Search** (Penyanyi)
- **Amanda Imani** (Penyanyi)
- **Imelda Harris** (Cef Selebriti)
- **Thanuja Ananthan** (Model Televisyen dan Miss World Malaysia 2009)
- **Kharleez Bamadhaj Jaafar** (Pengayuh Basikal Solo)
- **Hatta Dolmat** (Pereka Fesyen)
- **Datuk Tom Abang Saufi** (Pereka Fesyen)
- **Iman Lough** (Pereka Fesyen)
- **Ujang** (Kartunis)

INFO SORR 2015

- Berlangsung pada 28 Mac 2015.
- Lokasi di Hutan Lipur Kuala Woh, Tapah, Perak.
- Pendaftaran dibuka sehingga 21 Mac.
- Pendaftaran secara berkumpulan (berdua).
- Yuran pendaftaran RM80 (seorang).
- Peserta akan memperoleh kit perlumbaan, sebatang anak pokok untuk satu kumpulan, sarapan pagi dan makan tengah hari.
- Peserta akan menanam anak pokok jenis balak seperti meranti dan cengal.
- Hutan Lipur Kuala Woh terletak 15 kilometer dari Cameron Highlands.

Cara pendaftaran:

Laman web: www.pekamalaysia.org

Facebook: www.facebook.com/pekamalaysia

Telefon: 03-5513 3803 (Pejabat)

019-242 2625 (Bazinda)

012-634 0888 (Fiza)

016-305 7849 (Hasbe)

Faks: 03-5511 1669

E-mel: payment@pekamalaysia.org

hello@pekamalaysia.org